



জনসংযোগ কার্যালয়
জাহাঙ্গীরনগর বিশ্ববিদ্যালয়

সাভার, ঢাকা, বাংলাদেশ
ফোন: ০২২২৪৪৯১০৪৫-৫১ ফ্যাক্স: ০২২২৪৪৯১০৫২
ওয়েবসাইট: www.juniv.edu



প্রেস বিজ্ঞপ্তি

জাহাঙ্গীরনগর বিশ্ববিদ্যালয়:

র্যাগিংয়ে জড়িতদের বিরুদ্ধে শাস্তিমূলক ব্যবস্থা নিতে কার্পণ্য করবো না

উপাচার্য অধ্যাপক ড. মো: নূরুল আলম

জাহাঙ্গীরনগর বিশ্ববিদ্যালয়, ২২ মে ২০২২।

জাহাঙ্গীরনগর বিশ্ববিদ্যালয়ের উপাচার্য অধ্যাপক ড. মো: নূরুল আলম র্যাগিংয়ের বিরুদ্ধে হুসিয়ারি উচ্চারণ করে বলেছেন, র্যাগিংয়ে জড়িতদের বিরুদ্ধে প্রমাণ সাপেক্ষে শাস্তিমূলক ব্যবস্থা নিতে কার্পণ্য করবো না। তাদের কঠিন শাস্তি ভোগ করতে হবে। শিক্ষার্থীদের প্রতি অনুরোধ থাকবে তারা যেন নবাগতদের র্যাগিং দেয়া থেকে বিরত থাকে। আজ দুপুর আড়াইটায় বিশ্ববিদ্যালয়ের সিনেট হলে র্যাগিং প্রতিরোধ বিষয়ক এক মতবিনিময় সভায় উপাচার্য এসব কথা বলেন। এসময় তিনি আরও বলেন, ‘র্যাগিং প্রতিরোধে আমাদের তিনটি জায়গায় ভূমিকা রাখতে হবে। প্রথমত, রাতে র্যাগিং হচ্ছে কী না, হলগুলোতে তা তদারকি করতে হবে। শিক্ষার্থীরা যেই রুমে অবস্থান করবে তার সামনে সিসি ক্যামেরার ব্যবস্থা করতে হবে। এতে করে কেউ র্যাগিংয়ের চেষ্টা করলে তাকে শনাক্ত করা সহজ হবে। দ্বিতীয়ত, বিভাগীয় প্রধান ক্লাস শুরুর পূর্বে সিনিয়রদের সাথে একটি পরিচয় পর্বের আয়োজন করবেন, যাতে করে সিনিয়র শিক্ষার্থীরা পরে পরিচিত হওয়ার জন্য নতুন শিক্ষার্থীদের চাপ না দেয়। তৃতীয়ত, র্যাগিংয়ের আরেকটি জায়গা বিশ্ববিদ্যালয়ের খোলা জায়গা। এসব জায়গায় প্রক্টরিয়াল টিম ও সিকিউরিটি সদস্যদের নজরদারি বাড়াতে হবে। বিশ্ববিদ্যালয়ে ভর্তিকৃত ৫০তম ব্যাচের শিক্ষার্থীদের সশরীরে ক্লাস শুরু উপলক্ষে প্রশাসন কর্তৃক আয়োজিত র্যাগিং বিরোধী এ মতবিনিময় সভায় আরও বক্তব্য রাখেন উপ-উপাচার্য (প্রশাসন) অধ্যাপক শেখ মো: মনজুরুল হক, কোষাধ্যক্ষ অধ্যাপক ড. রাশেদা আখতার, গাণিতিক ও পদার্থবিষয়ক অনুষদের ডিন অধ্যাপক ড. অজিত কুমার মজুমদার, প্রভোস্ট কমিটির সভাপতি অধ্যাপক ড. মোহা. মুজিবুর রহমান, ফজিলাতুল্লাহ হলের প্রভোস্ট অধ্যাপক ড. এ টি এম আতিকুর রহমান, বিশ্বকবি রবীন্দ্রনাথ ঠাকুর হলের প্রভোস্ট অধ্যাপক ড. আবদুল্লাহ হেল কাফী, মীর মশাররফ হোসেন হলের প্রভোস্ট অধ্যাপক ড. মো. ওবায়দুর রহমান, শিক্ষক সমিতির সম্পাদক ও বেগম সুফিয়া কামাল হলের প্রভোস্ট অধ্যাপক ড. মো. মোতাহার হোসেন, প্রীতিলতা হলের প্রভোস্ট আয়শা সিদ্দিকা, আ ফ ম কামাল উদ্দিন হলের প্রভোস্ট ও ভারপ্রাপ্ত প্রক্টর আ.স.ম ফিরোজ-উল-হাসান, ছাত্রলীগ জাবি শাখার সভাপতি আক্তারুজ্জামান সোহেল, সাধারণ সম্পাদক হাবিবুর রহমান লিটন, ছাত্র ইউনিয়নের সভাপতি রকিবুল রনি, সাংস্কৃতিক জোটের সভাপতি শৌমিক বাগচী, প্রেস ক্লাবের সাধারণ সম্পাদক নূর হাছান নাস্টম প্রমুখ। মতবিনিময় সভায় বিভিন্ন ব্যাচের দিবস ও বর্ষভিত্তিক অনুষ্ঠান বন্ধে প্রশাসন থেকে ব্যবস্থা গ্রহণের সুপারিশ করা হয়।

উল্লেখ্য, ৫০তম ব্যাচের শিক্ষার্থীদের সশরীরে ক্লাস আগামীকাল ২৩ মে থেকে শুরু হবে। গত ৯ মার্চ অনলাইনে তাদের ক্লাস শুরু হয়েছিল।

ড. মোহাম্মদ মহিউদ্দিন
পরিচালক (ভারপ্রাপ্ত)

